

# 日本漢文學百家集 43

王焱  
編



YSP

北京燕山出版社

王焱 主編

日本漢文學百家集  
43



北京燕山出版社

第四十三册

鷺峰先生林學士全集 文集 卷一至卷九 林春勝著 元祿二年 …………… 一

鵝峰先生林學士全集序

夫文章者經國之大業不朽  
之盛事也豈其易能哉然或  
有視以為易者或有指以為  
小者昌黎韓子之所不取也

其為不易不小者何邪未可  
以一言盡之非學非識不足  
以厚其本非才非氣不足以  
利其用四者不備則或失於  
淺或失於暗或失於艱或失

於靡不能固其本不能施其  
用也難矣哉大矣哉我祖羅  
山子抱非世之才應必復之  
運興起學道隆盛文物我父  
鷲峯先生克繼志業辱賜學

士其家傳蓋有所職之由也  
其天質蓋有所稟之異也而  
又沈潛乎群經開其蘊奧蒐  
獵乎諸史通其歷蹟翱翔乎  
藝苑誦百家之言馳騁乎詞

林窮衆體之法有所增之有  
所廣之先生於學於識可謂  
博而大深而遠也特立儒關  
咨詢公事考撰族譜彙氏流  
之所出編輯國史補皇紀之

所闕應天下之務接天下之  
人有所資之有所益之先生  
於才於氣可謂英而華精而  
粹也其本立而其用廣矣故  
平生所著出于性情之正不

求藻飾之巧下筆不休長短  
互體動作有文喜罵成章不  
淺而深不暗而明不艱而安  
不靡而實方今先生沒後十  
年于茲清容不可得而視之

手山  
三行  
天  
四

芳聲不可得而聽之然遺稿  
殘編卷以重大車以糶載文  
足三千詩及萬數其學識可  
以窺知焉其才氣可以發動  
矣凡天下之談文章者接鋒

而森森然並鑣而駸駸焉就  
中周漢則左馬班揚亢其聲  
唐宋則韓柳歐蘇對其幟然  
未有如此之多而備全而存  
者也僕性雖淺陋幸依餘蔭

日侍經筵講讀無暇追慕不  
已恭敬有餘撰其文集以類  
分之叙其詩集逐年錄之總  
二百四十卷且載譜略於集  
末欲便觀覽而易考索也一

二門生成其助服其勞加訓  
點正謬誤剗剗既成抃躍弗  
措先生昔嘗撰父之集自序  
卷端乃率舊例弁語上方唯  
期貽大業於後昆垂盛事於

不朽元祿二年己巳仲夏之  
日不肖孤慙謹序



鵝峰先生林學士全集凡例

- 一 編撰之體多依羅山集之法式
- 一 文集立類分品然同類之內悉逐年序文中不書干支者或文末或顯下細書之
- 一 詩集有少季之作有壯年之作有老年之作欲使人知之故逐年撰之不及分類
- 一 向陽前集向陽後集向陽續集晚林夕陽集東明集餘黎稿悉是先生託微意而所名稱也故詩集標其顯跡也但文集以有各類難存舊名

然考于支與詩集參見之則可以分知焉

一泣血餘滴秦湘行記西風淚露甲子會紀等雖  
為一書或不預他事或以為簡略載于文集稽  
古篇涑水一勺以為韻語載于詩集

一序及書之末有詩者以文為主故載于文集若  
以詩為主則雖有引序跋載于詩集

一散語及四言三言長短句之贊詞悉載于文集  
五言七言多是雖載于詩集然有故載于文集  
亦或有之